

& sibi devotum hominē ex me facere hoc pacto intendit. Denique Humilitatis proprium est, hominem in pace & tranquillitate conservare, inter adversa æque & prospera sive dona Dei. Itaque qui hac præditus est, æquam semper mentem retinet, sive Deus illi det, sive data eripiat, nec quicquā accidere ipsi potest, unde animo vel efferratur vel cōtrahatur. Vnde in ejusmodi homine divina gratia mirabilia operari incipit, & quemadmodū ante hac sua duntaxat & ex suis viribus opera exhibuit, ita deinceps Deus illum portat & in ipso perq; ipsum omnia facit.

*In humilitate est vera pax.*

## CAPUT XXI.

HOMINEM DEBERE ACQUIESCERE in solo Deo, non autem in donis illius. De abnegatione sui ipsius.

*Psal. 32. Letamini in Domino, & exultate justi, & gloriamini omnes recto corde.*

**G**ENUINA sinceraq; Dei charitas solum Deum quærit & spectat in rebus omnibus, non se; delectatur solo Deo, qui est summum & increatum bonum, nequaquam vero creaturis: idq; intus & in profundo anime  
ubi

*Proprietas charitatis divina.*

\*